

修武縣志卷之十三

名宦

兩漢最重牧令此時文網尚疎得自展布而又
賜金增秩使久於其位故循良最著舊志有職
官而無名宦豈官斯土者無一遺愛之可紀歟
今繙諸史傳參之聞見凡有善政可錄者咸爲
立傳庶使當日撫字苦心有所表見然前人既
失於編載其爲湮沒不彰者固已多矣

修武縣志

卷之十三

名宦

一

漢

陳蕃字仲舉汝南人初仕郡舉孝廉除郎中遭母
憂棄官行喪服闋李固表爲議郎再遷安樂太
守時大將軍梁冀威震天下遣書詣蕃有所請
託不得通使者詐求謁蕃怒笞殺之坐左轉修
武令尋拜尚書祀名宦

宗慈字季卿南陽安衆人舉孝廉爲修武令時太
守出自權豪多納賄賂慈棄官去後徵拜議郎

祀名宦

晉

石崇字季倫渤海南皮人年二十餘爲修武令有能名人爲散騎郎遷陽城太守伐吳有功封安陽侯

張輔字世偉南陽西鄂人爲山陽令太尉陳準家僮暴橫輔擊殺之累遷尚書郎

棗據字道彥潁川長社人美容貌善文辭弱冠辟大將軍府出爲山陽令有政績遷尚書郎官至

修武縣志

卷之十三

名宦

一一

刺史太子中庶子

唐

杜其大中間爲修武令于縣西北開新河自六貞山下合黃丹泉水南流入吳澤陂

宋

朱光庭字公掞偃師人邑有牧地民久侵冒轉易皆爲稅籍朝廷遣使按畝加程總四萬餘石光庭爭之得減萬餘石

元

溫憲歷至元二十四年爲修武尹三載政治多可稱者

李鐸字振文濟南人大德甲辰任修邑主簿以清謹聞祀名宦

閻珪字用之晉寧人大德間任修武尹祀名宦

明

萬士傑直隸人洪武五年知修武縣建公廨修廟學撫綏得宜士民感服

孫敬叔嘉興人永樂中知修武縣以俗尚勁悍乃

修武縣志

卷之十三

名宦

三

崇教化勸農桑政教大行

冷宗元榮昌人舉人正德戊寅間知修武縣有惠政祀名宦

吳理徽州人隆慶元年知修武縣操守廉潔政尚嚴肅豪強爲之斂跡

李可愛沙河人舉人隆慶三年知修武縣修城不煩民力咸愛戴之

趙可學任縣人萬歷十二年知修武縣才敏而勒索無留牘邑人立祠奉之

朱政紹興人以選貢知修武縣改小丹河于城南
王時春東莞人十三年知修武縣器宇寬和爲政
不擾士民愛之

邵炯安州人舉人十八年知修武縣清地糧實戶
口行條鞭法士民便之遇歲饑炯招撫流亡給
籽種開懇荒蕪邑中世有起色時有邵寬民安
邵好民飽之謠

楊楠字念齋萬歷三十八年知修武縣時值連歲
饑饉楠三請救荒至請自罷斥以答天譴乃得

修武縣志

卷之十三

名宦

四

請全活甚衆甲寅春福藩之國所至騷擾楠處
置得宜境獨帖然性仁慈民欠糧者不忍加鞭
朴竟以缺額奪俸後陞霍州知州

滕之俊全州人舉人四十三年知修武縣卹民禮
士擴路建坊甚有循聲

劉思捷湖廣人舉人四十四年知修武縣性慈祥
愛民如子每笞杖必爲泣下

徐應台四川人舉人崇正十年知修武縣爲治明
敏決訟如流

鄭之縉延安人十二年知修武縣悃悞無華威愛
竝著

范士偉長子人舉人十三年知修武縣實心爲治
積勞成疾士民咸悼惜之

華廷獻無錫人舉人十四年知修武縣勤于撫字
愛民如子時值大荒民相食督撫催漕方急廷
獻力陳災傷四請蠲恤言皆痛切無所顧忌讀
其辭者莫不流涕

劉光斗夏縣人舉人十五年知修武縣在任二年

修武縣志

卷之十三

名宦

五

請除荒開屯田歲饑活千餘人建奎樓改學路
壬午鄉試中式者三人流賊入懷聞其賢欲官
之不屈

郝隣郟縣人學博祀名宦

國朝

胡繼芳三河人舉人順治九年知修武縣爲政安
靜以誠感民在任四年陞南城兵馬使

高夢說費縣人副榜十一年任修武縣丞廉靜勤
惠兌糧支兵甚有幹濟上下交賴四署邑篆陞

成都府同知

卜永昇安東進士十四年由邠縣補修武令勤于撫字民逃而歸業者數百家堂刻左右箴以自警讞絕餽遺日用儉薄一如寒素

張德建山東人十八年知修武縣才識敏達勇于任事百務釐飭境內大治

仇鳳翀山西曲沃人進士康熙四年知修武縣操守清介以德化民尤留心學校雖謹嚴不容私謁而喜接賢士耆民詢以民瘼未三載丁內艱

修武縣志

卷之十三

名宦

六

歸

張壽孫華亭人舉人八年知修武縣性嗜書尤工書法臨池染翰饒有風致任修數載以廉靜著聲

宋師祁直隸棗強人進士十三年知修武縣爲政寬平而馭吏甚嚴猾胥斂手民甚德之

李啟泰江西南昌人舉人二十年知修武縣廉介清果勤于治事修學宮置社學有古循良風秩滿陞戶部員外

人物

天有景星卿雲地有醴泉芝艸人爭先睹之以爲快惟人亦然賢人君子風流已遠而追述往事邇其遺徽莫不景仰靡窮况生同里者乎修邑負行山之秀挹沁水之波鐘竒毓異賢哲挺生自漢魏以來代不乏人搜羅遺軼導揚盛規雖其人操尚不一顯晦殊途要皆足以垂之不朽爲閭里光云

周

修武縣志

卷之十三

人物

七

嬴氏晉陽處父過甯嬴氏悅而從之至温而返其妻曰子得所求不從之何其懷也曰吾見其貌而悅之聞其語而惡之吾恐未獲其利而及其難期年有賈季之難陽子死焉

漢

衛颯字子產家貧好學隨師無糧常傭以自給建武二年辟大司徒鄧禹府舉能案劇除侍御史襄城令政有名迹遷桂陽太守郡與交州接壤頗染其俗不知禮則颯下車修庠序之教設婚

姻之禮期年間邦俗從化先是含洹滇陽曲江
三縣越之故地武帝平之內屬桂陽民居深山
濱溪谷習其風土不出田租去郡遠者或且千
里吏事往來輒發民乘船名曰傳役每一吏出
徕及數家百姓苦之颯乃鑿山通道五百餘里
列亭傳置郵驛於是役省勞息姦吏杜絕流民
稍還漸成聚邑使輸租賦同之平民颯理卹民
事居官如家其所施政莫不合于物宜視事十
年郡內清理二十五年徵還光武欲以爲少府

會颯被疾不能拜起勅以桂陽太守歸家居二
歲載病詣闕自陳困篤乃收印綬賜錢十萬後
卒于家

張導字景明建武中爲鉅鹿太守漳津汎濫土不
稼穡導披按地圖原其逆順揆其表裡修防排
通以正水路功績有成民甚賴之勒碑紀功

張範字公儀延之子也太傅袁隗欲以女妻範範
不受性恬靜樂道忽于榮利徵命無所就曹操
平冀州遣使迎範以疾留彭城遣弟承詣操操

表以爲諫議大夫範子陵及承子戩爲山東賊
所得範直詣賊請二子賊以陵還範範謝曰諸
君相還兒厚矣夫人情雖愛其子然吾憐戩之
小請以陵易之賊義其言悉以還範操自荊州
還範見于陳以爲議郎參丞相軍事甚見敬重
範救恤窮乏家無所餘中外孤寡皆歸焉子參
文帝時爲郎中

張承字公先祖歆字敬讓桓帝時仕至司徒父延
仕至太尉承以方正徵拜議郎遷伊闕都尉董

卓作亂承欲合徒衆誅卓承弟昭時爲議郎適
從長安來謂承曰今欲誅卓衆寡不敵且起一
朝之謀戰阡陌之民士不素撫兵不練習難以
成功卓阻兵而無義固不能久不若擇所歸附
待時而動然後可以如志承然之乃解印綬間
行歸家與兄範避地揚州袁術問曰孤以土地
之廣士民之衆欲徼福齊桓擬迹漢高何如承
對曰在德不在強夫能用德以同天下之欲雖
由匹夫之資而興伯王之功不足爲難若苟僭

干時而動衆之所棄誰能興之術不悅承去
之後以丞相參軍領趙郡太守政化大行子邵
仕晉至中護軍與舅楊俊同遇害

蔡湛光和四年爲棗城令有德政邑人立碑頌之
歐陽修采入集古錄

晉

向雄字茂伯父韶彭城太守雄初仕郡爲主簿事
太守王經及經之死也雄哭之盡哀市人咸爲
之悲後太守劉毅嘗以非罪笞雄及吳奮代毅

修武縣志

卷之十三

人物

十

爲太守又以少譴繫雄于獄司隸鍾會于獄中
辟雄爲都官從事會死無人殯殮雄喪而葬之
文帝召雄而責之曰往者王經之死卿哭王經
於東市我不問也今鍾會躬爲叛逆又輒收葬
若復相容其如王法何雄曰昔者先王掩骼埋
胔仁流朽骨當時豈先卜其功罪而後葬之哉
今王誅旣加於法已備雄感義收葬教亦無闕
法立于上教完於下何必使雄違生背死以立
于時殿下讐枯骨而捐之中埜爲將來仁賢乏

資不亦惜乎帝甚悅與談宴而遣之累遷黃門侍郎時吳奮劉毅俱爲侍中同在門下雄初不交言武帝聞之勅雄令復君臣之好雄不得已乃詣毅再拜曰向被詔命君臣義絕如何於是卽去帝聞而大怒問雄曰我令卿復君臣之好何以故絕雄曰古之君子進人以禮退人以禮今之進人若加諸膝退人若墜諸川劉河內于臣不爲戎首亦已幸甚安復爲君臣之好帝從之泰始中累遷秦州刺史假赤幢曲蓋鼓吹賜

錢二十萬咸寧初入爲御史中丞遷侍中又出爲征虜將軍大康初爲河南尹賜爵關內侯齊王攸將歸藩雄諫曰陛下子弟雖多然有名望者少齊王臥在京邑所益實深不可不思帝不納雄固諫忤旨起而徑出遂以憤卒弟匡惠帝世爲護軍將軍

苟晞字道將世爲名族范陽王虓承制用晞行兗州刺史汲桑破鄴東海王越討之命晞爲前鋒桑爲柵以自固晞將至頓軍休士先遣單車示

以禍福桑衆大震棄柵宵遁晞陷其九壘遂定
鄴而還又破沒桑故將公師藩敗石勒于河北
威名甚盛時人擬之韓白進位撫軍將軍都督
青兗諸軍事晞練于官事文簿盈積斷決如流
人不敢欺其從母子求爲將晞拒之曰吾不以
王法貸人將無後悔耶固欲之乃以爲都護後
犯法晞杖節斬之從母叩頭請救不聽旣而素
服哭之流涕曰殺卿者兗州刺史哭弟者苟道
將也東海王越引爲青州刺史越後聽潘滔之
言遂與晞有隙越薨詔晞爲大都督青徐兗豫
荆揚六州諸軍事晞以寇難交至表請遷都俄
而京城陷豫章王端東奔晞晞尊端爲皇太子
置行臺端承制以晞領太子太傅錄尚書晞尋
爲石勒所殺弟純亦遇害

南北朝

向靖字奉仁與宋武帝有舊從平京城叅建武軍
事進平建業以功封山陽縣五等侯又從征廣
固討盧循所在著績武帝西伐司馬休之征關

中竝見任使永初間以佐命功封曲江縣侯位太子左衛率加散騎常侍卒于官立身儉約不營室宇無園田商賈之業時人稱之

柳字玄季靖之子有學義才能立身方雅太尉袁淑司空徐湛之揚州刺史顏峻皆與友善及峻貴柳猶以素情自許不推先之范璩誡柳曰名位不同禮有異數卿何得作曩時意耶柳曰我與士遜心期久矣豈可一旦以勢利處之及柳因義宣事繫獄屢密請峻求救孝武常與峻

言及柳事竟不助之柳遂伏法

張攀事慕容垂爲御史中丞進兵部尚書以清才見稱

張蒲字玄則攀之子少有父風仕慕容寶爲尚書左丞道武定中山寶官司叙用多降品職帝旣素聞蒲名仍拜尚書左丞明元卽位爲內都大官賜爵泰昌子參決庶獄私謁不行太常初翟猛雀驅逼吏民入白澗山謀爲大逆詔蒲與冀州刺史往討之蒲曰民從猛雀非樂亂也凶威

疆服之耳不如先遣諭之民必俱降奏聞太宗
詔蒲軍前慰喻乃下數千家還其本屬猛雀百
餘人奔逃蒲追斬自送京師後改壽張子太武
卽位以蒲清貧妻子衣食不給乃以爲相州刺
史扶弱抑強進善黜惡風化大行卒于官吏人
痛惜之蒲在謀臣之列屢出爲將朝廷清論常
爲稱旨贈平東將軍廣平公諡曰文恭

張昭蒲子有志操以功臣子爲太學生襲父爵以
功進爵修武侯延和二年出爲幽州刺史時幽

州年穀不登州廩虛罄民多菜色昭請吏民曰
何我之不德而遇其時乎乃使富人通濟貧乏
車馬之家糴運外境貧弱者勸以農桑歲乃大
熟在任三年卒子昶襲爵蚤夭

張靈符昭次子仕元魏爲中書博士和平中咸陽
民趙昌作亂百姓騷然詔靈符宣慰之民乃復
業後遷中書侍郎賜爵昌國子延平中使南豫
州觀察風俗太和四年除廣平太守遷尚書左
丞轉刺齊州以善政稱

唐

韓仲卿愈之父武昌令有美政去縣人刻石頌德
終秘書郎贈尚書右僕射

韓少卿愈之叔父慷慨重然諾死千節義

韓弇雲卿子進士及第朔方節度請掌書記 秘

書省校書郎累遷殿中侍御史貞元三年吐蕃

乞盟詔卽塞上與之盟其五月吐蕃不肯盟弇

遇害李觀有弔韓君沒蕃中文

孫泰少師皇甫穎守操有古風姨病以二女托之

修武縣志

卷之十三

人物

十五

曰吾長女損一目汝可娶其次姨卒泰乃娶其
長或詰之曰人有廢疾非泰何適衆咸服之嘗
置別墅用錢二百緡俾其人他徙于時有老嫗
痛哭泰詰之曰老婦嘗事姑於此子孫不肖今
爲他人所有故悲耳泰惻然久之因給曰吾適
得京書已別除官固不駐此也且命爾子掌之
言訖而去子展進士及第

衛審符字表節伺僮有機鈐便弓馬歷官懷州刺
史加金紫光祿大夫檢討司空守唐州刺史兼

御史大夫上柱國食邑三百戶復授蔡州刺史
所在皆有能名

宋

蘇立字挺之幼有遠志讀書不治家產初詣軍門
上策授宿州尉歷遷太子中舍改供備庫副使
知威勝軍事繼典嵐莫石鳳夔五州遷騏驥副
使同提點荆湖路刑獄

元

逯魯曾字善正性剛介通經術中天歷二年進士

第授翰林院編修辟御史臺掾掌機密監察御
史劾中丞史顯夫簡傲魯曾開實封于大夫前
曰中丞素持重不能與人周旋御史以人情劾
之非公論由是皆知其直除太常博士拜監察
御史劾去答失海牙等八人皆伯顏之黨朝廷
肅然除樞密院都事上言前伯顏專殺其黨利
其妻女巧誣以罪今大小官及諸人有罪止坐
其身不得藉其妻女從之至正十二年丞相脫
脫討徐州賊以官軍不習水土募瀕海鹽丁爲

軍魯曾以禮部郎中超遷淮南宣慰使領征討
事遣其募鹽丁五千人從征徐州平繼使領所
部軍討淮東卒于軍

陳士安字良佐幼穎悟強記有遠識器度廓如讀
書主踐履不以口舌勝人爲汴州酒稅副使尋
改進義副尉河間鹽司卒子維德官至監察御
史知河間府

薛澍字時卿博極羣書好講求性命之旨擢元貞
丙申進士授承務郎主事歷陞權茶都轉運使

修武縣志

卷之十三

人物

十七

吏部尚書兼五部事父祖俱封河東郡侯長子
秉貞知興州兼知經筵事次子秉庸任濟南府
司獄

李天祐字時佐以軍功累遷武畧將軍貌甚秀偉
寬完英斷有古名將風

明

劉幹字孟貞洪武癸酉舉於鄉爲長洲縣丞清廉
仁恕民信愛之比卒如失父母貧不能歸民爲
買舟資送留衣冠葬于虎北山側立石表其上

曰劉公墩歲時致祭

王鐸字雪屋美儀狀穎悟絕倫博通經史舉洪武
丙子孝廉累官金華太守釐奸剔弊如神百姓
繪圖祀之子愈懋皆進士

王愈字希賢疏通警敏讀書竝下五行擢永樂戊
戌進士爲侍御史剛直不避權貴劾總戎冒功
受爵觸忤當事死于諫

王懋字希昭愈之弟儀狀魁整識器完遠擢永樂
甲辰進士補江南通州判州多豪賈以販私塩

爲業結檻連檣官軍不敢捕朝命侍郎何文淵
理其事淵至悉委之懋懋擒其尤者置于法餘
皆屏跡擢山東海豐令專務德化民詣闕請留
九年以治行卓異入覲詔賜錦衣一襲楮幣五
百緡宴于容臺仍褒以璽書官至陝西西安知
府祀鄉賢

王璠字文璣懋之子讀書日記數千言尤精于易
解擢天順庚辰進士除刑部郎陞江南安慶府
知府布衣疏食不減寒素及歸田閉戶教授所

造就者甚衆當事力薦不起黎陽威寧伯王公
越曾執經門下

姜鄙字宗武天順壬午舉於鄉任撫寧知縣陞蔚
州知州所至著賢聲進階中順大夫致仕祀鄉
賢

范繼仁字助寰以明經授九江府通判攝德化瑞
昌星子三邑篆以廉能稱歸里立義田義學睦
其族黨祀鄉賢

詹起元字玉峯由明經考授州判不樂仕進閉戶
修武縣志 卷之十三 人物 十九
教授足跡不至公庭

國朝

馮杞字正明由明經任崞縣令多惠政祀鄉賢
姜豢龍字雲從鄙五世孫兄躍龍字霖海善屬文
辛卯貢性好泉石不樂仕進豢龍從之學無異
嚴師戊子舉於鄉除山東泗水縣知縣多惠政
陞雲南路南州知州因病返里卒泗入聞之相
率來哭至不忍去

成觀光字賔王少孤事母以孝聞順治丙戌進士

除清源令有惠政擢刑部主事祀鄉賢

趙旭字用九康熙丙辰進士授直隸蠡縣知縣廉潔持已靜以安民擢廣西道監察御史祀鄉賢

趙敏字健行號帝簡監察御史旭之子敏生而穎異讀書過目不忘弱冠食餼於庠益肆力于學博通經史貫穿諸子百家下筆千言立就屢試不售後以貢授羅山學博以師道自任立條教甚嚴與士子朝夕講論娓娓不倦復取其秀傑者讀書厦舍中置田二百畝資其膏火一時學者

校相慶得人爭自濯磨丁母憂歸服闋後補桐栢學引年致仕有別墅在寨裡邨蒔花植果足跡不入城市歲時伏臘親友過從飲酒賦詩陶然自得年八十餘卒

范琬字璋八號廣園孝友性成攻苦力學少有名譽康熙戊寅以選貢授汝州郊縣學博時有劉生諱斯和者家貧琬愛其才令其就學署中讀書資以膏火且時周其家劉後登進士選庶常人皆服其藻鑑與兄珥和好白首無間

范楷字端直號行巘幼篤志於學朝夕忘倦康熙
壬午登賢書雍正庚戌除瀘州同知州屬有瀘
涇地山路險要往來甚艱楷出積俸命鑿石
開道約百餘丈至今土人稱之爲范公路末期
年卒於官扶柩歸里士民洒淚而送者數千人
吳周聚字十友號羲僕一號天門性嗜學家雖貧
攻苦不輟年十九補博士弟子員癸巳科中本
省副榜甲辰科登順天賢書生平非孔曾思孟
之書不敢讀非周程張朱之言不敢遵訓誨生

徒必以端品立志爲要且性孝友事父母色養
備至敬兄長友于情深至父母歿喪葬之禮悉
準古道不作鼓樂不筵賓客一以哀痛迫切爲
主更樂於獎就人善兩舉節孝一表義士爲前
輩王路兩先生作合傳金生作奇男子傳解經
義作五十學易論三以天下讓與利字辨尚論
古人因方正學先生楊椒山先生節烈有讀史
偶感論欲正人心扶世道有崇德報功以一民
志論完形論年老潛玩周易有集諸說錄其他

制義文詞序說雜咏不可勝紀一生所爲無非
崇醇樸黜浮華是卽禮所謂返本修古不忘其
初者也年至八十二而終

賈元鰲字殿先號訪陶幼而聰慧異人讀書不求
甚解過目成誦弱冠補博士弟子試輒冠軍家
貧苦無書每遊歷四方親友處借披閱乙丑登
進士第除汝寧府教授整飭學宮訓迪士子甚
有方巒宮相慶得人士爭自奮勵以疾卒于任
王夢賚字相樞號醒齋幼聰慧沉靜不好嬉戲甲

午領鄉薦主司深器重之自是益刻意苦學淹
貫經史丁未赴禮闈以明通補項城學博勸課
諸生講論不輟未幾以母喪去任服闋謁選由
本科授高台縣令調婺川縣婺荒裔地山險人
稀民慙俗悍素稱難治夤賚強幹有吏才遇豪
滑一懲以法不少貸于良善則又加意撫綏蒞
任五載甚有能聲以積勞成疾解組歸里居惟
以課子姪讀書爲事間與至戚交好文酒相娛
爲田園樂年六十有五卒

郜建元字長萬號次瑾七歲失恃家徒壁立無以
自存賴孀母撫育荼苦備嘗初元父臨終遺命
曰家貧非病惟不讀書乃真病耳元奮志讀書
雖嚴冬溽暑不輟弱冠補博士弟子員癸巳登
賢書屢試禮闈不售時以未竟先志爲憾性素
剛直有奇氣每遇公義所激常奮不顧身邑人
服焉 八十二而卒

洪武初遷修卜塋于邑城之南後子姓繁衍墳地隘有議折墳者武聞之愕然曰此墳今日一拆後世子孫必有不識祖宗墳墓者且枝漸遠派漸別勢將等骨肉若路人何弗就舊塋而拓之墳之前後左右皆武地爰增入十餘畝及議地價不受族人勒石誌其事迄今范氏世世生相依死不相離皆感其盛德云

范正脉字介子繼仁仲子童時卽工詩著艸草爲王中丞子房生所重長不盈五尺雙眸射口

修武縣志

卷之十三

人物

一二十四

順治己丑進士選庶吉士授檢討以傲岸出爲戶部主事旋出爲長蘆運同遷兩浙鹽運使未任卒公嗜學如飴非異書不讀非異人不交著有犖觀堂五雲館京駕集讀騷齋煙雲過眼亭

諸刻行世祀鄉賢

此傳新誌遺漏今補入